



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაზალეთის პლატო

ბაზალეთის პლატო, მთისწინეთის პლატო აღმ. საქართველოში, დუშეთის მუნიციპალიტეტში, მდინარეებს არაგვსა და ნარეკვავს შორის, დუშეთის ქვაბულის სამხრით, სადაც დაბალმთიანი რელიეფი ვაკეში გადადის. აბსოლ. სიმაღლეები 875–950 მ-ის ფარგლებში მერყეობს. აგებულია მეოთხეული კონგლომერატებით, რიყნარ-ქვიშნარით. დასერილია მცირე ხევებით (საკრამულოსხევი, თინასხევი, ხანათხევი). აქვს ვაკე ზედაპირი, პლატოს ჩაზნექილ ადგილზე ბაზალეთის ტბა მდებარეობს.

ბ. პ. საკმაოდ მჭიდროდ დასახლებული და ათვისებულია სას.-სამ. კულტურებისათვის. გაბატონებულია კულტ. ლანდშაფტი. სამხრ., აღმ. და დას-ით დაბალმთის ტყის ლანდშაფტია.

დ. უკლება
